



https://www.go-to-the-future.eu/Modules/fiches/images/logo-pdf.jpg

Image not found

Quilles au maillet (Las quilhas au mailhet) 4quilles-au-maille-t.jpg

Jogar... en familha e en lòc mes

24 - Jòcs e espòrts - Jòcs

Lo jòc qu'ei un element essenciau dens lo desvolopament social, intellectuau e fisic d'un individu. Qu'ei tanben un element estructurant d'ua societat. E donc, l'airau gascon e mes generaument occitan ne i escapan pas.

Que i a plan solide mantuas situacions de jòc, que se pòden « categorizar » de diferentas faiçons. La quasi totalitat d'entre eths, a despart de las gestualas e de las règlas especificas a cada jòc, emplega tanben la lenga coma mejan de comunicacion : ende causir la persona cargada de començar o de miar lo jòc, ende balhar las consignas o las replicas pròpias a cada situacion, end'aprènguer e memorizar nocions, end'acabar lo jòc... en dus mots, ende « viver lo jòc » en question !

Aqueths jòcs son per la màger part adaptats a l'atge, mès tanben a l'environament. Alavetz, que se poderàn utilizar elements naturaus d'aqueth environament, o tanben fabricar los objèctes necessaris au jòc. Los jòcs son tanben adaptats au nombre deus partenaris : jòcs de règla, de societat : cartas, bòlas, petanca...

L'airau occitan, plan solide, n'a pas escapat a cèrtas evolucions de la societat. « Bèth temps a », daubuns tipas de jòcs èran practicats en familha, pendent las velhadas, las hèstas, o a d'autes moments de la vita (quan los joens mainatges guaitavan los tropèths, per exemple).

Auèi, los lòcs de transmission e d'aprentissatge an cambiat, per rasons diversas : diminucion, o tanben pèrta de la transmission familiala de la lenga, arribada d'autes tipas de jòcs (mei que mei jòcs electronics dempuish quauquas annadas), presa en compte de la transmission de la lenga regionau dens d'autes contèxtes (escòla, associacions, clubs, institucions...). Lo jòc ei lavetz utilizat coma utís d'aprentissatge e de transmission d'elements linguistics e culturaus, e tanben d'ua faiçon de viver especifica a la nòsta region. E donc, un bon nombre de jòcs son « universaument » coneguts, dambe variantas (lenga, règlas...).

Quauques exemples o tipas de jòcs :

- Jòcs de lenga, comptinas, formuletas...
- Devinalhas,
- Jòcs de dits,
- Rondas, jòcs cantats e dançats, jòcs de perseguida,
- Jòcs de règla, d'estrategia, de societat : ossets / cartas...
- Jòcs de règla deu dehòra : berret / esparvèr / jòcs de bòlas, de quilhas, de paumas, de palet...
- Jòcs d'equilibre, d'agilitat, d'abiletat, d'adreça, parcors (chancapè)...
- Jòcs damb objèctes fabricats : molins, sarbatanas, joguets sonòrs...

Lexic

Partenaris

un partenari qu'ei ua persona, un grop, dambe qui l'òm s'associa o l'òm se liga ende realizar ua accion comuna dens un ahar, ua enterpresa, ua negociacion o un projèct.

Transmission

la transmission qu'ei l'accion de hèr passar informacions, coneishenças d'ua persona en ua auta.

Questions

1. Ei lo jòc ua activitat meilèu reservada aus mainatges ?
2. E coneishes exemples de jòcs que hèn los adultes en lo nòste parçan ?
3. Balha un o dus exemples d'elements naturaus que pòden servir ende fabricar lo materiau per un jòc ?
4. Se te demandan quin ei lo jòc qu'estimas lo mei, lo quin balharés ? Ei un jòc individuau o un jòc collectiu ?

Activitats

Image not found

<https://www.go-to-the-future.eu/Fichiers/vignettes/095737activit+s-jouer-en-famille-oc.jpg>



Image not found

<https://www.go-to-the-future.eu/Modules/fiches/images/footer-pdf.png>

